

ACTA DA SESION EXTRAORDINARIA LEVADA A CABO O DIA 13 DE XUÑO DE 2015 PARA CONSTITUCIÓN DA NOVA CORPORACIÓN ELEXIDA NAS ELECCIÓN CELEBRADAS O DIA 24 DE MAIO DOS CORRENTES ASI COMO ELECCIÓN E TOMA DE POSESIÓN DO ALCALDE ELEXIDO.

No Salón de Sesións da Casa do Concello de NEDA, sendo as once horas e tres minutos do día trece de xuño do ano dous mil quince e dando cumprimento ao disposto polos artigos 195 e 196 da Lei orgánica 5/1985, do 19 de xuño, do Réxime Electoral Xeral e artigos 37 e seguintes do Regulamento de organización, funcionamento e réxime xurídico das Entidades locais aprobado por R.D. 2568/86 do 28 de novembro, celébrase sesión pública para a constitución da nova Corporación municipal resultante das eleccións celebradas o día 24 de maio dos correntes, a cal foi convocada regulamentariamente según orde do día circulada ós novos concelleiros/as elixidos coa antelación e formalidades esixidas.

Atópase sobre da mesa comunicación da Xunta Electoral de Zona trasladando acta de proclamación de Concelleiros/as electos neste Concello e que son os seguintes:

- **Partido dos Socialistas de Galicia-Partido Socialista Obrero Español (PSdeG-PSOE):** D. Ángel Alvariño Saavedra, D^a Ana Rosa Pena Barcia, D. Gonzalo Ferreiro Rego, D^a María Begoña Balsa Alonso e D. Ángel Salvador García Cordero.

- **Partido Popular (PP):** D. José Ignacio Guillermo Cabezón Lorenzo, D^a María Montserrat Rico López, D. Roberto Rey Fernández e D^a María Carmen Insua Cabanas.

- **Movemento Veciñal Neda (MOVENEDA):** D^a Leticia Iglesias Basanta e D. Juan Carlos Pita Galego.

- **Bloque Nacionalista Galego-Asembleas Abertas (BNG):** D^a María Helena Pardo Rodríguez.

- **Converxencia Galega (CG):** D. Antonio Seijo Martínez.

Actúa como Secretario o titular do Concello, D. Alejandro Ramón Antelo Martínez.

Comprobada a personalidade dos electos e cotexada coas credenciais expedidas pola Xunta Electoral de Zona, polo Secretario da Corporación procédese a poñer en coñecemento dos concelleiros electos o contido dos artigos 195 e 196 da Lei Orgánica do Réxime Electoral Xeral (LOREG), referentes ao mandato e constitución das Corporacións Municipais e á elección do Alcalde, dando comezo a sesión constitutiva da Corporación Municipal, axustándose ao seguinte orde:

1.- CONSTITUCION DA MESA DE IDADE:

En primeiro lugar procédese á constitución da Mesa de de idade, que segundo o disposto no citado artigo 195.2º da citada LOREG e as credenciais presentadas na Secretaría Xeral da Corporación pasa a estar composta por D. Ángel Salvador García Cordero como concelleiro electo de maior idade, por D^a Leticia Iglesias Basanta como concelleira electa de menor idade, e polo propio Secretario da Corporación Municipal.

2.-COMPROBACION DE CREDENCIAIS DE CANDIDATOS ELECTOS COMO CONCELEIROS PARA A NOVA CORPORACION A CONSTITUIR:

Polo Secretario da Corporación infórmase á Mesa de idade que todos os concelleiros/as electos presentes no acto presentaron as súas credenciais expedidas pola

Xunta Electoral de Zona, na Secretaría da Corporación, e así mesmo foron presentados por todos os concelleiros/as electos as declaracións de bens, actividades e posibles causas de incompatibilidade ante o Secretario da Corporación, tal e como dispón o artigo 75.7º da Lei Reguladora das Bases de Réxime Local.

Informa o Secretario que das mesmas non se deduce incompatibilidade ningunha para o exercicio do cargo de concelleiro/a, e pon a disposición da Mesa de Idade os correspondentes documentos, por si ésta quere levar a cabo algunha comprobación.

3.- XURAMENTO OU PROMESA DOS NOVOS CONCELEIROS:

Seguidamente, procédese á toma de posesión dos concelleiros/as, para o cal o Secretario da Corporación da lectura á formula legalmente establecida, chamando de seguido aos concelleiros nominalmente pola orde alfabética do seu primeiro apelido e en derradeiro lugar ao membro máis novo e ao maior dos da Mesa de idade, e respostando cada un deles si xuran ou prometen o cargo. De todo o cal deixase constancia de seguido.

“Xurades ou prometedes pola vosa conciencia e honor cumprir fielmente coas obrigas do cargo de concelleiro do Concello de Neda con lealdade a El Rei, e gardar e facer gardar a Constitución como norma fundamental do Estado así como o Estatuto de Autonomía de Galicia:

- Sr. Alvariño Saavedra, Ángel: Sí, prometo.
- Sra. Balsa Alonso, María Begoña: Sí, prometo.
- Sr. Cabezón Lorenzo, José Ignacio: Sí, xuro.
- Sr. Ferreiro Rego, Gonzalo: Sí, prometo.
- Sra. Insua Cabanas, María Carmen: Sí, xuro.
- Sra. Pardo Rodríguez, María Helena: Sí, prometo.
- Sra. Pena Barcia, Ana Rosa: Sí, prometo.
- Sr. Pita Galego, Juan Carlos: Sí, prometo.
- Sr. Rey Fernández, Roberto: Sí, xuro.
- Sra. Rico López, María Montserrat: Sí, xuro.
- Sr. Seijo Martínez, Antonio: Sí, xuro.
- Sra. Iglesias Basanta, Leticia: Sí, prometo.
- Sr. García Cordero, Ángel Salvador: Sí, prometo.

4.- DECLARACIÓN DE CONSTITUCIÓN DA NOVA CORPORACIÓN:

Tomada posesión polos trece concelleiros/as que resultaron elixidos nas eleccións municipais, totalidade dos que compoñen este Consistorio, a Mesa de Idade declara constituída a Corporación Municipal de Neda.

5.- ELECCION DE ALCALDE:

Pásase seguidamente á elección de alcalde seguindo o disposto no artigo 196 da Lei Orgánica de Réxime Electoral Xeral para o que poden ser candidatos tódolos Concelleiros que encabezan as listas proclamadas xa referenciadas.

Pola Mesa de Idade pregúntase si algún cabeza de lista renuncia a ser candidato á Alcaldía, manifestando renuncia en tal sentido o Sr. Cabezón Lorenzo, a Sra. Iglesias Basanta, a Sra. Pardo Rodríguez e o Sr. Seijo Martínez.

Por unanimidade dos corporativos acórdase que o sistema de votación para a elección de Alcalde, sexa o nominal, seguindo o sistema de chamamento establecido con anterioridade para a toma de posesión dos concelleiros.

Por parte do Secretario da Corporación e da Mesa de Idade procédese a realizar tal chamamento arroxando o seguinte resultado:

- Sr. Alvariño Saavedra, Ángel: Sr. Alvariño Saavedra.
- Sra. Balsa Alonso, María Begoña: Sr. Alvariño Saavedra.
- Sr. Cabezón Lorenzo, José Ignacio: abstención.
- Sr. Ferreiro Rego, Gonzalo: Sr. Alvariño Saavedra.
- Sra. Insua Cabanas, María Carmen: abstención.
- Sra. Pardo Rodríguez, María Helena: Sr. Alvariño Saavedra.
- Sra. Pena Barcia, Ana Rosa: Sr. Alvariño Saavedra.
- Sr. Pita Galego, Juan Carlos: abstención.
- Sr. Rey Fernández, Roberto: abstención.
- Sra. Rico López, María Montserrat: abstención.
- Sr. Seijo Martínez, Antonio: Sr. Alvariño Saavedra.
- Sra. Iglesias Basanta, Leticia: abstención.
- Sr. García Cordero, Ángel Salvador: Sr. Alvariño Saavedra.

(Os concelleiros Sr. Cabezón Lorenzo e Sra. Insua Cabanas fan constar que a súa abstención se produce "en consideración á lista máis votada").

Así pois, o Sr. D. Ángel Alvariño Saavedra obtén sete votos, o que constitúe maioría absoluta do número legal de membros da Corporación, polo que a Mesa de Idade fórmullle pregunta sobre si acepta a súa elección como Alcalde, ao que o Sr. Alvariño Saavedra resposta que sí.

6.- XURAMENTO DO ALCALDE ELEXIDO E TOMA D E POSESIÓN DO MESMO:

Acto seguido, pola Mesa de Idade tómaselle xuramento ou promesa do seu cargo de Alcalde, para o cal o Secretario da Corporación procede a dar lectura á fórmula legalmente establecida: "***D. Ángel Alvariño Saavedra, xura ou promete pola súa conciencia e honra cumprir fielmente coas obrigas do cargo de Alcalde do Concello de Neda con lealdade a El Rei, e gardar e facer gardar a Constitución como norma fundamental do Estado así como o Estatuto de Autonomía de Galicia***":

Ao que o Sr. Alvariño Saavedra resposta que : Sí prometo.

Queda polo tanto proclamado Alcalde de Neda D. Ángel Alvariño Saavedra.

Seguidamente, o elixido Alcalde pasa a ocupar a mesa presidencial do Salón de Sesións, xunto co Secretario da Corporación.

Os concelleiros que ata o momento compoñían a Mesa de Idade pasan a ocupar os seus escanos.

7.-DACION DE CONTA DE ACTA DE ARQUEO E INVENTARIO DE PATRIMONIO DE BENS MUNICIPAIS:

O Secretario da Corporación da lectura ao **artigo 36.2 do ROF**:

Los Secretarios e Interventores tomarán las medidas precisas para que el día de la constitución de las nuevas Corporaciones Locales se efectúe un arqueo y estén preparados y actualizados los justificantes de las existencias en metálico o valores propios de la Corporación, depositados en la Caja Municipal o entidades bancarias, así como la documentación relativa al inventario del patrimonio de la Corporación y de sus Organismos autónomos

O Secretario da Corporación da conta ao Pleno da “Acta de Arqueo Extraordinaria” subscrita por Alcalde, Interventora e Tesoureiro con data 12 de xuño de 2015, realizada con ocasión da constitución da Corporación Municipal.

ARQUEO CONSTITUCION NOVA CORPORACION 12-XUÑO-2015	
VALORES	
Existencia 12-06-2015.....	107.555,30
METALICO EN CONTAS BANCARIAS	
Caixa Auxiliar de Tesourería	0,00
Caixa Corporación.	0,00
Abanca: 2091-0216-59-3110000012	6.201,62
Santander: 0049-3902-28-31010004490	13.545,50
Pastor: 0072-0139-100000100461	3.204,89
Bilbao Vizcaya: 0182-6244020200150529	74.159,52
Existencia metálico 12-06-2015.....	97.111,53

Asimesmo, o Secretario da Corporación da conta ao Pleno de que o “**Inventario Municipal de Bens e Dereitos**” foi aprobado inicialmente polo Pleno corporativo en sesión ordinaria de data 26 de marzo de 2015, exposto ao público por período de 30 días hábiles, que concluíron o día 26 de maio de 2015, considerándose dende entóns definitivamente aprobado dende dita data.

De seguido o Sr. Alcalde dirixe unhas palabras de agradecemento ao Pleno da Corporación, ao público asistente á sesión corporativa, aos veciños de Neda e a súa propia familia.

E non habendo máis asuntos que tratar na orde do día, o Sr. Alcalde-Presidente levanta á sesión cando son as once horas e dezoito minutos do día sinalado no encabezamento, do que eu, Secretario Xeral da Corporación Municipal, certifico e dou fe.

O Alcalde

O Secretario Xeral